

յայտնի ամէնքին եւ կրկնելու կարիք չկայ: Արիւն, կոտորած, հրդեհ, աւերածութիւն, գերեզմարութիւն եւ ամէն տեսակի երեւակարելի ու աներեւակայելի բռնութիւններ է միայն նրանցից տեսել մեր դժբախտ ժողովուրդը եւ ուրիշ ոչինչ:

Գրութիւնն այսպէս շարունակուում է, մինչեւ որ մեր երկիրը վերջնականապէս բաժանուում է հարեւան երկու մահմեդական պետութիւնների միջեւ — պարսիկների եւ տաճիկների (1639): Արեւելեան մեծագոյն մասին տիրում են պարսիկները, արեւմտեան եւ փոքր մասին՝ տաճիկները: Սակայն հայ ժողովրդի տանջանքներն ու տառապանքները դրանով չեն վերջանում. ընդհակառակը, նրանք նորից շարունակուում են, բայց նոր ձեւերով, աւելի հետեւողականորէն եւ սխտեմատիկ:

Շատ բնական է ուրեմն, որ նման դժոխային պայմաններում հայ ժողովուրդը — եթէ ոչ իր ամբողջութեամբ, բայց գէթ իր գիտակից մասով — պիտի մտածէր փրկութեան մէկ ճանապարհ գտնելու եւ իրեն վիճակուած դաժան ճակատագրից ազատագրուելու: Այլ խօսքով՝ նա պէ՛տք է մտածէր առաջին հերթին իր քաղաքական անկախութիւնը ձեռք բերելու մասին, որովհետեւ առանց քաղաքական անկախութեան չկայ ազատութիւն:

Եւ յիշուի՛. մենք տեսնում ենք մեր անցեալի մէջ մի շարք փորձեր այդ ուղղութեամբ: Մանաւանդ մեր վերջին դարերի պատմութիւնը մէկից աւելի փաստեր է տալիս առ այն, որ Հայաստանի Անկախութեան դադափարը միշտ էլ ունեցել է իր համար մի տաքուկ եւ հիւրընկալ անկիւն հայ ժողովրդի սրտում: Դեռ աւելի. Հայաստանում Անկախութեան դադափարը չի եղել մէկ այնպիսի դադափար, որ դատապարտուած է միմիայն մարդկային ուղեղների մէջ մնալու եւ երբեք կեանքում իրականութիւն չգտնալու: Ո՛չ. նա մեղանում նկատուել է որպէս փրկութեան միակ միջոցը, որի իրականացման համար հայ ժողովուրդը տըքնել է, սրտադին աշխատել եւ ծանր զոհաբերութիւններ յանձն առել:

Մեր պատմութիւնը, որ ընդհանրապէս շատ ժլատ է այդ կողմից, այնուամենայնիւ իր ծոցում պահել է մի քանի թանկագին յիշատակութիւններ, որոնք անհերքելիորէն ապացու-

ցանում են, որ Անկախութեան դադափարը հայ ժողովուրդի սրտին միշտ էլ շատ մօտ է եղել: Այդ յիշատակութիւնները գլխաւորապէս Ժ.Ձ. դարից են սկսում, որովհետեւ Պարսկաստանը արագ քայլերով դէպի քայքայում էր դիմում եւ ուրեմն Պարսկական Հայաստանի անկախութեան իրազորումը մեծ յոյսեր էր խոստանում:

Յայտնի են, օրինակի համար, Ստեփան Ե. Սալմաստեցի եւ Միքայէլ Ա. Սեբաստացի կաթողիկոսների փորձերը 1547 եւ 1563 թ. թ.: Նրանք մտածում էին ազատագրել Հայաստանը պարսից լծից արեւմուտքի, գլխաւորապէս Հոռմի միջոցով: Մի դար յետոյ նոյն փորձը կատարում է Յակովբ Գ. Ջուղայեցի կաթողիկոսը: Էջմիածնում նա դումարում է մի դադափարի ժողով (1678 թ.), մասնակցութեամբ վեց աշխարհական եւ վեց հոգեւորական անձերի, ուր որոշում է պատուիրակութիւն ուղարկել Արեւմուտք՝ Պապից օգնութիւն խնդրելու: Պատուիրակութիւնը ճանապարհ է ընկնում կաթողիկոսի գլխաւորութեամբ, բայց դժբախտաբար նպատակին չի հասնում: Ճանապարհին, Պոլսում մեռնում է ձերտնի Հայրապետը եւ պատուիրակութիւնը ցրում է: Միակ օգուտը լինում է այն, որ պատուիրակութեան մի անդամը՝ Իսրայէլ Օրին շարունակում է իր ճանապարհը դէպի Եւրոպա: Նա գնում է Վենետիկ. այստեղից էլ շուտով անցնում է Յըրանսա, ուր մտնում է ղինուորական ծառայութեան: Լուսաւոր Եւրոպայում բաւական երկար ապրելով եւ սովորելով, նա պատրաստուում է այն մեծ դործի համար, որով ապագայում այնքան օգտակար պիտի լինէր հայկական դատին:

17-րդ դարի 90-ական թուականներին Իսրայէլ Օրին իր ձեռքն է առնում Հայաստանի ազատագրութեան գործը եւ ամենայն եռանդով նրան նուիրում: Նա էլ սկզբում, իր նախորդների նման, Արեւմուտքում է փնտրում հայ ժողովրդի փրկութիւնը, գլխաւորապէս իր անձնական բարեկամի, Պֆայցի մեծ իշխանի մօտ: Բայց շուտով Արեւմուտքից յուսահատուելով, իր հայեացքը ուղղում է դէպի Հիւսիս, Ռուսաստանից ակնկալելով հայոց հարցի լուծումը: Դժբախտաբար, ուսմանն էլ երկար խաբխրելուց եւ սին խոստումներով հայերին